

» consulta; o la convien, o nò. Se la convien, l'ha da esser portata  
 » al Senato; se poi nò, la vien restituida. Ha fatto molto ben i vostri  
 » maggiori, e i ha molto ben pensà nel stabilir de fidarse al Senato,  
 » perchè questo vien occupà continuamente col mezzo dei savj, per-  
 » chè le materie avanti d'esser prese le vien ben ventilade. L'ha  
 » ditto, ch'el Conseggio de X se offenderà, che ghe vegna deman-  
 » dade ste materie. El Conseggio de X non se ne offenderà, ghe  
 » fassò fede mi, che per la clemenza de vostre eccellenze ghe ne  
 » son una piccola parte.

» El ga formà equivoco de cittadini, de patrizi, e dei sudditi.  
 » No le tema un' equivoco. Cittadini. Tutte le leggi sotto el nome de  
 » cittadini abbraccia l'ordine patrizio, tutte le distingue el cittadin  
 » dal suddito.

» El ga riflettudo sulla riserva de vegnir al Mazor Conseggio :  
 » el ghe l'ha fatta apparir sotto l'ombra de delusion. Come mai,  
 » eccellentissimo signor? El Mazor Conseggio ha una potestà su-  
 » prema; questa nol la delega mai : ma quando cessa le delegade  
 » facoltà, allora se ricorre al delegante. E al proposito, che la cor-  
 » rezion ha spojà el Senato, della so autorità sul ministero, ghe ri-  
 » spondo, che la correzion ze un mezzo riservà del serenissimo Ma-  
 » zor Conseggio, e una semplice suspension de autorità per otto soli  
 » mesi. La Signoria ha cercà de esaurir i suggerimenti primi del  
 » Contarini parlando dei viveri; el se ha rimesso al Senato sui vi-  
 » veri; al Conseggio de X sul costume. Due cose in seguito pol  
 » occorrer. Una, che el Mazor Conseggio sia ricercà de aggiunger  
 » maggior autorità ai corpi. La riserva, ch'el se ha fatto, no vol dir  
 » impegno. El Mazor Conseggio approvarà quel solo, che ghe pa-  
 » rerà giusto : sul mandar de sta parte la Signoria no ze spojada  
 » della materia, la ghe prestarà assidui studj; la proporrà quel, che  
 » la crederà confacente. Che più? Trovo in sta parte la quinta es-  
 » senza dei assidui studj della serenissima Signoria; trovo, che l'ha  
 » proposto quel, che ze degno prenderse dal Mazor Conseggio. Se  
 » accetti donca la proposizion, e se chiuda con ciò una materia.